

OMUKWE TU



30c

No. 24

ISBN 0-620-06828-0

Emanguluko oli na omudhi gwa-lyo mOmuhupithi guuyuni

Emanguluko nekondjelomanguluko, momakana gaantu. Ekondjeloma-iitya yasimana pethimbo ndika nguluko olyo ekondjo neitulomo

omuntu te li ningi opo a galulilwe uuthemba we mboka e u yugwa, olw-ndji kungoka e mu vule oonkondo.

Pethimbo ndika oku na wo aantu yi igandja kaahepeki, sho ya kanitha etegameno alihe lyokwaadha shono (uuthemba) taye shi kondjele. Oya ningi oshihakwanwa (okanzi mokana kembungu) shomutondi gwawo.

Ishewe euvoko lyeuvitho lyOmuhupithi guuyuni, Jesus muLukas 4:18,19 olya tokolitha wo ongundu onene yaakriste, nale nongashingeyi opo ya kale iilongitho yokugalulitha emanguluko lyomushitwa, nando omiinima ayike ando ngaashi:

a) Emanguluko lyokupopya, b) emanguluko lyelongelokalunga, c) emanguluko monkayi nomondjala na d) emanguluko muumbanda wonkalamwenyo.

Ehistoli lyomuntu nuuthemba we.

Onkambadhala dhokugalulila omuntu uuthemba we mboka e u shitilwa, ohadhi holoka ethimbo nethimbo muule wehistoli lyomuntu. Ohaku tiwa Mensius a li ko manga Kristus inaa valwa, oye gwtango a popi sha kombinga yuuthemba womuntu.

MuEngilanda omumvo 1215, aapopepi nomukwaniilwa (omalenga) oye mu kumagidha opo a shaine oshifo shoveta shedhina "Magna Carta." Musho uuthemba womuntu owa fatululwa mo nawa, moka epangelo lyi indikwa okwiidhopa mo.

Musho omwi indikwa omuntu a tegelela epangulo, a patelwe mokakuma uule wethimbo inaali uthwa. Omwa indikwa wo omuntu e edhililwe, a pongekwe nenge a pangulilwe eso komupanguli ngoka sha tseyika nawa, kutya ogwomongundu yaatondi yanakupangulwa.

Oshifo oshikwawo shoveta "Habeas Corpus Act (1679) osha fatulula muule uuthemba womuntu. Moka mwa tiwa, kutya omuntu ngele okwa kwatwa, na falwe

Tala kep. 8

DESEMBA 30, 1986



Ekugagano lyeppopilo lyomuna omufuko gwaantu yandje lya uvika kiilongo yokokule: Omuwa kee ko we kuSioni? Akwetse, omutse gwandje andola gwa li omeya nomeho gandje omuthima gwomahodhi, ando nda lili oosa dhoonakudhipagwa yaantu yandje omutenya nuusiku” Jer.8:19,23.

ETUMWALAKA LYOKRISMESA KOMAGONGALO GA ELCIN NOKOOKUUME LYA ZI KOMUMBISOFI KLEOPAS DUMENI

Ngaashi shito, nonuumvo omumbisofi K.Dumeni okwa gandja etumwalaka lyOkrismesa kiilyo ayihe yomagongalo muumbwalangandja woshilongo nopalwe hoka iilyo yOngeleki ndjika ya halakanena ko. Etumwalaka olyo efupi nawa nolya kwatelela mo ehaleloyambeko kukehe gumwe. Otali landula mpaka:

“Ehuku lyetumwakaka lyandje komagongalo nokookuume ayehe olyo ndika: Taambathaneni ngaashi Kristus e mu taamba okusimanekitha Kalunga.” Rom. 15:7.

Otandi indile ayehe ye na omaudhigu, oontamanana nooyakwawo, ongele yomondjokana momagumbo, monkalathano mii-onga nomuushiinda, miinima yuupolotika mevi ndika ayihe nayi kundathanwe, nayi opalekwe, natu dhiminathanepo, natu taambathane opo tu kale **nombili moshilongo ashihe.**

Tu lalakaneneni atuhe tu kale nombili naKalunga, **ombili yokomwenyo.** Osho wo tu kale nombili namukwetu, **ombili yomonkalathano.** Pamukalo nguka otatu **si-manekitha Kalunga.** “Omwa valelwa Omukulili”. Nelaka ndika, otandi dhimbulutha, notandi tsu omukumo, kutya Omukulili, omumangululi, Jesus Kristus ota tsikile natse nomomumvo omupe 1987.

Otu na Omukulili te tu kulile muulunde woludhi kehe. Otu na omumangululi muupika, Jesus Kristus. Ote ke tu pa wo emanguluko lyoshilongo shetu Namibia. Otandi indile **tu galikaneneni emanguluko**

lyoshilongo shetu meitaalo lya kola. Esiku lyemanguluko lyoshilongo shetu oko li li komeho! Emanguluko otali ya. Otandi kumagidha ku kale uudhiginini mii-longa ayihe mOngeleki nomoshigwana ashihe.

Ohole nayi pangele meyakulo alihe. Naku kale elalakano okuhuma komeho meilongo. Ikolitha, mbyoka yi li omutondi gwoshigwana, nayi ethiwe, nayi kondjithwe. Otandi pukulula, nokuganda mboka ya kala nonyalo, noya yakula aantu yaKalunga komukalo inaagu opala 1986, naa hulithe oku shi ninga. Otandi pandula omakwatho, nomayakulo agehe omawanawa ga ningilwa aantu yaKalunga ayehe meni nopondje lyoshilongo.

Otandi indile ga tsikilwe natango shi vulithe shito. Ookuume inamu tila, Omwa valelwa Jesus Kristus Omukulili. Ota kala pamwe natse mOmumvo omupe 1987.

Otandi mu halele Okrismesa ya yambekwa nOmumvo Omupe gu na elago.

Lya shainwa kuye

K. Dumeni
K. Dumeni
mumbisofi



OMUKWETU

No. 1 Registered at the GPO as a Newspaper 30c

Eindjipalo mokulesha olyi iholola

Omumvo 1986, otwa tsakanekwa kaantu ye vule 10,000 taa kongo oshifo shOmukwetu. Eindjipalo ndyoka ewanawa noonkondo. Ihe otwa koneke wo nokutya oshifo shimwe ashike, otashi leshwa natango kaantu 10 nenge 20 nokuli. Oluhepo nuundalapata ngiika oya kwiininathana mpoka.

Eindjipalo ndyoka lya ningwa po muule woomvula mbali dha zi ko, kehe gumwe a kambadhale okwiikongela oshifo she mwene, olya koko naantu 1000 lwaampoka. Ngele ekatuko lyoonkatu mokulesha lya tya ngeyi itali thikama pokati, konima yoomvula ntano, otatu ka kala tu na aaleshi aape 5,000 ya holoka moshigwana.

Osha konekiwa wo opendji moshigwana shika, kutya mboka ya hwama mokulesha iifo, oyo wo ya hwama mokulesha omambo nOmbimbeli. Euvoko ndyoka otali endeke pamwe. Yo mboka haa lesa oyo wo mboka haa nyola nokugandja omadhiladhilo gawo moshigwana.

Ngame ondi na uuntsa ngashingeyi ndi li moshigwana shu uva ko ondilo yohapu ya nyolwa pombapila, shi vulithe okupulakena ashike omitoto dhowala dhomokana. Oshigwana sha tya ngeyi, oshi na onakuyiwa.

Tu tonatelathaneni natango, tu kumagidhathaneni nokutsaathana omayeke pokati kookuume nookuume, puushiinda nuushiinda, nkene tatu imonene iileshwa, tu lesheni.

Ihe tu dhimbulukweni wo: Okulesha oshinima hashi tu pula oshinakugwanithwa oshinene. Mokulesha otatu taasina tatu yoolola nomayege notatu nina tatu dhindi nelaka lyopambepo. Iileshwa, ohi yOshiwambo, ontoye, ihe oyi na omasipa ogendji tage eta mbala oshiponga komuli omuhethi.

Shigwana, owa fuula ndje mokulesha nomokunyola kwoye omumvo nguka. Otandi ku halele Okrismesa ombwaanawa nOmumvo omutoye gwelago. Omukwetu a fudha po manga uule womasiku 30. Uutsakaneno okuJanuali 15, 1987.

Amushanga gwOmukwetu

“OMWA VALELWA OMUKULILI”

Esiku eti 25 Desemba lyomumvo kehe olyo oshituthi shokudhimbulukwa nokuhambeleva omolwevalo lyOmukulili. Moongeleki odhindji muuyuni otamu dhanwa elongelokalunga molwa Kristus. “Mass of Christ.” Esiku ndika olya dhanwa nale miituthi yaa-pagani yonale aniwa taa dhimbulukwa evalo lyomumati ngoka itaa sindika nando okulye.

Omumati ngoka ta sindi omilema. Edhiladhilo lyomuupagani wonale lya pingenwa koshili kutya, muuyuni omwa valelwa Omukulili. Oye etango lyuuyuki, nehupitho oli li momawawa galyo. Mat.4:2. Oye Jesus Kristus, uyelele wuuyuni ngoka a sindi eso.

Euvitho ndika: “Omwa valelwa Omukulili.” Otali ti oshindji noli na ashihe shehupitho alihe. “Omukulili”: Ngoka ta hupitha moshiponga meso nena nokomeho. Oongoka ta pititha oshigwana muudhigu wopethimbo lyasho. Yamwe oya pitithwa mo.

Otashi vulika pu kale omaudhigu gopamwenyo, nenge paupolotika nenge pankalathano. Jesus oye ngaa Omukulili omupithimo muudhigu kehe. Oye Omuhupithi. Omukulili ngoka ta eta uuwanawa auhe, noye awike ta vulu okuyelitha omuntu kuu-lunde we.

Okukutha momilema nokufala muyelele. Okukutha meso, nokufala momwenyo. Otwe shi dhimbulula, osho twa ningilwa muule womumvo 1986. Osho twi itaala tatu ka ningilwa nomomumvo omupe 1987. “Omwa valelwa Omukulili.” Olyo elaka etoye.

Evaangeli otali ya kaasita, aantu ya dhinika. Otali adha aantu miilonga yawo. Otali ya nuusiku, mokati koshigwana tashi endagula momilema. Tali adha omuntu omufupi monkalo ye nomehalo lye moka e li. Mu-lyo omu na wo egwanitho lyomahungane-ko gaJesaja.

“Oshigwana hashi endagula momilema, otashi tonatele uyelele owindji.” Jes.9:1.

“Omwa valelwa Omukulili,” olyo elaka lyenyanyu lya etwa komutumwa omuyengeli gwOmuwa kaantu ye li momilema. Koonkondo dhetumwalaka ndika. Momilema otamu ta uyelele. Iigwana otayi mono uyelele wehupitho.

Otandi dhimbulukwa ehistolli lyoshigwana shetu nonkalo moka twa kala mo nale mu-Namibia. Otwa kala momilema dha siikila oshigwana. Uupika uudhigu, metilo enene. Oluhepo olwindji pambepo nopalutu, m-kwaa na ohole nombili. Aatumwa yOmuwa ya zi kuSoomi sho ye ya momumvo 1870, opwa longwa iilonga yoonkondo:

“Oshoka tala, omilema dha siikile evi, nuu-luudhe wiikogo, ihe Omuwa ota adhimine kombanda yoye,” Jes.60:2-3. Otatu dhana ngashingeyi Okrismesa, tatu hambelele. “Omwa valelwa Omukulili” olyo elaka tali tumu aantu miilonga.

Pahapu ndhika, Luk.2:15-20, opwa ningwa ngeyi: Tu yeni kuBetlehema tu ka tale shoka sha ningwa ko. Tu yeni nokweendelela. Elaka ndika, otali tumu omuntu a ze monkalo ye neendelelo, a thige po iilonga ye yesiku a ye kuJesus mpoka ta monika: Omokulesha, oohapu, omegalikano, omama-longelokalunga nomoonkundathana dhopa-mwenyo.

Evaangeli olya ti: “Oya mono okanona. Oya kumwa, Maria yina yokanona ota pungula oohapu dhaatumwa noku dhi dhiladhila momwenyo gwe. Aasita sho ya mono Jesus Omukulili oya shuna nokuhambeleva nokusimaneka Kalunga.

Pahapu ndhika wo Okrismesa oyo oshituthi shokuhambeleva nokusimaneka Kalunga. Osho oshituthi shokunyanyukilwa kutya shoka twa uvithilwa otashi monika ngaashi twa lombwelwa. “Mbyoka ye yi uvu oye yi mono, otashi monika muuyuni muka, notashi ka tsakanithwa konima yeyumuko.

— Sho tatu halelathana Okrismesa ombwanawa, yelago, nenge ya yambekwa. Otatu dhiladhila nokuhalelathana kutya, shoka sha ningilwa aasita: Shi ku ningilwe wo: Elaka Etoye lyenyanyu. “Omwa valelwa Omukulili”, li ye wo kutse moshigwana shetu, monkalo moka tu li neha.

Megongalo, momagumbo, muudhigu, nenge menyanyu lyetu. Osho wo pu ningwe ngaashi mokati kaasita okutsaathana omukumo: Tu yeni tu ka tale Jesus. Tu yeni nokweendelela.

Okukonga Jesus oshinima shi na eulumo. Oya mono okanona Jesus. Mboka taa kongo Jesus ngaashi ya uvithilwa otaye mu mono shili e taa nyanyukwa. Sho ya mono okanona oya ka hokolola oohapu ndhoka.

Oshituthi shaKrismesa osho oshituthi shE-tumo shokuhokolola Jesus ngoka twa mono. Osho oshituthi shokupungula oohapu adhihe dhevaangeli moomwenyo dhetu. Okudhiladhila nawa muule oohapu tadhi hokolola Jesus. Oshituthi shokuhambeleva Kalunga omolwOmukulili ngoka twa tuminwa. Otse wo tu kale nokusimanekitha Kalunga omolwaayihe mbyoka twa uvu notwe yi mono.

— “Omwa valelwa Omukulili”. Omu na wo omadhiladhilo ga fa ngoka ga li momupangeli gumwe muEuropa. Omupangeli (European Monarch) okwa li e na oshi-

Luk. 2:15-20



mpwiyu oshinene naantu ye. Okwa hala aluhe okukala mokati kawo. Okwa li a lombwelwa kaayakuli ye kutya, omolwegamenyo lye “Security’s sake”, onawa ngele ita ende mokati kawo. Okwa li a yamukula ta ti: “Itandi vulu okupangela aantu yandje ngele inandi tseya nkene ye li mokulamwenyo kwawo kwesiku kehe.”

Meuvitho ndika. “Omwa valelwa Omukulili” omu na oshikalimo shika kutya mOkrismesa otu na edhiladhilo enene lyeitaalo lyopakriste, kutya tse otu na Kalunga nOmwana Jesus ngoka e li pamwe natse. Immanuel gwetu.

Okwa tseya wo okukalamwenyo kwetu kwesiku kehe. Oshoka oye mwene okwa valelwa muuyuni muka, okwa kala wo muuyuni wetu, okwa tseya ashihe shi li putse nenge mutse. Okwa tokola okukala pamwe natse megongalo lye sigo ehulilo lyuuyuni.

K.Dumeni

Shixutuka ohashi di peke

Otwa pelwe omaano
Oshali ya dja kuKalunga
Twe i tuminwa ngowina
Nande inatu pula sha

Tete okwa tuma Omona
Jesus Ewifa laKalunga
Kwa landula Mhepo Omuyapuki
Twe mu pewa omuwiliki

Maano twe a kumaana nee
Naeshi twe lihalela vene
Omaano a dja kuKalunga
Twe a landifapo nedimo

Paife katu talako vali oko
Fimbo tava i komambo
Fye otwa yuka koundingosho
Tu ka yade ke omakamuhadwa

Shixutuka ohashi di peke
Oshali yaTate Kalunga
Twe i xutwifila motombo
Shali ya wila momalodu

Omushiyakano wa pelwe
Edidiliko lekulilo loye
Oukengeli owe u pombuda
We u ufila mekende

Shixutuka ohashi di peke
Fiku Kristus te ke uya
Eshi Omwene ta ka aluka
Atushe ohatu shi tale

Eshi ovanelao tava hafe
Tava pandula Kalunga
Shaashi keumbo e va twala
Fimbo ove wa tala mekende

Johannes M. Shikeva

Ekundo kiitayingeleki ayihe mOwambo noKavango nokaaleshi yOmukwetu amuhe

Omagongalo gaKalunga agehe nooitaali amuhe mongongahangano yaAakwaluther muNamibia a-pehe naakuhe, Kalunga ne mu yambekele Okrismesa nOmunvo Omupe gu li komeho.

Kalunga na koleke eitaalo lyeni muKristus nope-thimbo ndika lyuudhigu owindji. Nonando ooi-taali oyendji muNamibia omwa mono omahepeko nomaudhigu ogendji mekondjo lyeni, inamu teka omukumo aawe. Osho mu na okupitila muudhigu nomomahepeko ngaashi Kristus mwene e shi ningilwa ngoka tatu dhana oshituthi shokuwatwa kwe.

Oye wo okwa li a kondjo muGetsemane moka a zile amazigudhe ga fa ombinzi sigo okomushigakano kuGolgota. Mokukondjela ehala lyaKalunga, omu na okudhipagwa ngaashi Stefanus ngoka a dhipagwa nomamanya. Ondjila yokufala ke-

Ongeleki onkwaEvangeli muNamibia osho wo ongeleki dhilwe moshilongo shika, Nampongo na koleke eitaalo lyeni nopomasiku ngaka omawana-wa tage ke ya gaKrismesa sigo Omumvo Omupe gu li komeho, 1987.

Omahaleloyambeko taga zi kOmuwa gwetu naga indjipalele mutseni atuheni.

**Angulah Jason Mekke
Oseko yaLuno
Ondangwa**

Otu li mefimbo lidjuu noli na omahepeko, osho yo omahepeko koshiwana shetu

Oshiwana shi li mefimbo lopaife sha taalela memanguluko. Ndele ngeenge owa ende momaumbo avanashilonga unene tuu mOwambo omo mu na ovanhu tava mono oixuna tava hepekwa momaumbo va ninga ovakalele voilonga omolwokukalela momaumbo ekwafo lounona, oku va diinina noinakuwanifwa yeumbo.

Ndele meme omunashilonga ke wete ngeenge nomukalele waye omunhu, molwashi ke na odjapo yasha. Okwa talwa a fa omunhu ina dalwa nokuli yee ota futwa kuye, aaye ke na ko nasha, ota tumbula oitya nomatumbulo makumwifi.

Nokutya okufutwa oto futwa ove to li oikulya yange noho. Ndele ame to nyamukula ngaho, in-da! Ame inandi pumbwa omukalele, ovanhu ovahapu.

Vakwetu omahepeko moshiwana, omalalulo ovanashilonga. Lidiinikeni nokulundulula omhepo yeni vakwetu. Omwa ninga ovana vavakweni eenhani, navali shi dimbulukweni; Omunhu ngeenge u na eenhani dokupulula epya loye, oto di kwata nawa. Osheshi ngeenge owa kala noku di monifa oixuna, otadi utama ndele itadi dulu nokulonga sha nepya otali kala la mwena inali longa sha.

Tashi ti ovanhu atushe otwa pumbwa evatelafano. Ngeenge omukalele ta longo oku mu kwafe, ndele haye aeke, natu vatelafaneni naye. Onde lineekela omu udite eshi nda hala okutya.

Ohandi dimbuluka oshiongi shimwe omupanguli Smith waVenduka a li a ninga oshiongi shovanailonga omolwoukoloni nehepeko laava hava longo meekombifa doilumbu. Ohava mono oixuna molwaashi oilonga oihapu noidjuu yeumbo alishe, ndele omunhu ota mono komwedi R70-00 ile R60-00 lwaapo. Ondi na epulo omunashilonga u li mOwambo, oho futu ngoo omunhu woye ngaho?

Ope na oomeme ovo ihava dulu sha vali oilonga yokomake, shapo okupula ngeenge oikulya oya pya nawa, Ngeenge a ehama keenyala shapo ekipa olo inali pya nawa. Tala nee oitya nomatumbulo taa di mokanya, oto kumwa. Ndele nokomulungu oto hale okulikwata komatwi to hale u fitike ko.

Oshiwana tu lixumbateni nawa vakwetu, ohatu lihepekeni unene fye vene.

Silas K. Ndiwakalunga
Windhoek

+++++

Otandi halele aagundjuka omayambeko gaTate Kalunga miigongi yawo naasita naalongi yawo. Omuwa ne tu gamene muuyuni mbuka wa piyagana.

Lesheni 1 Petr. 5:1-4. Eimbilo 224

Kristof Tomas
Windhoek

Omumvo sho tagu ka londongela, owi ilongekidha tuu ofuto yoye yOMUKWETU omumvo 1987? Oyi li ashike R6,00 muNamibia nomu SA, nenge R17,00 kombanda yomafuta.



Nandi pewe uyelele

hupitho oyo ndjoka, moka ooitaali ayehe muuyuni ye na okweenda nayo.

Omahepeko nokweedhililwa mooondholongo, ayihe otayi fala mokuhula po nuuyamba womasiku gehupitho otatu ke ya notamu mono ondjambe yeni yesindano. Pwa piti ngashingeyi nokuli oomvula 116 sho ohatu yevaangeli ya li ya thiki nkuka, uuna aatumwa ya zile kuEuropa omolwa-Kristus meitaalo lyaanguka e tu valelwa pomasi-ku gaKrismesa.

Oyo ya li ya tumwa okutaandelitha elaka lyombili miilonga ayihe, niigwana ayihe nomomalaka agehe. Aatumwa yamwe ngaashi tatu ya dhimbulukwa ooMartin Rautanen (Nakambalekanene) oya li wo ya pitile momaudhigu nomomathiminko mokuuvitha ko aantu ondjila yehupitho.

Omolwawo ngashingeyi ooitaali oya ningi oye-ndji. Osho ano ngeyi kaleni mu na omukumo nei-taalo, tu ka dhaneni oshituthi shevalo lyOmukuli-lyi ngoka e tu sindile omaudhigu nomamakelo agehe. Omaudhigu ngoka ge mu tsakaneketele manga e li okahanona okashona nokuli.

Onda hala okupewa uyelele kutya onkalamwenyo oyi na iitopolwa ingapi. Noshikwawo omolwashike mbela hashi ningilwa to adha aagundjuka ya yalekathana, ihe gumwe sho te ya a lombwele aakuluntu ye oshinima shoka, otashi vulika taye shi tindi? Ondi shi anwa omuntu kehe oku na okukonga omukwathi gwe?

Johannes Shipoteka
Omatuni
Ongandjera

EYAMUKULO

Epulo lyotango katu uvite ko shoka to dhiladhila. Ihe omuntu ye mwene onkalamwenyo ye oya thikama miitopolwa itatu: olutu, omwenyo nombepo. Kepulo lyeyalekathano, aakuluntu ihaa tindi owala pwaa na etompelo taye li gandja.

Muutemba wawo wetonatelo lyaagundjuka nonakuyiwa yawo, ngele ya tala inaashi opala aagundjuka mboka ya ka tunge egumbo, otashi vulika ya tinde eyalekathano ndyoka. Oyendji mboka ya tindi omakupululo gawo oye ki ipa uusama komeho.

Amushanga gwOmukwetu

Oumbotsosto wa tana moshiwana

Oshiwana shaNamibia ashishe paife osha kwatwa nosha wila momhepo yombotsosto. Eshi osha etifwa unene kohole yeliko, unene oimaliwa. Oimaliwa paife oyo tai dana onghandangala. Oinima aishe oshimaliwa. Onghalamwenyo aishe oshimaliwa.

Oimaliwa nande tai longo oilonga ihapu noya fimana, itai monika noupu. Omunhu keshe ota kendabala e li monene oimaliwa pamukalo keshe ta dula, sho eshi osho nee sha dala ombotsosto. Oumbotsosto ou li pahapu. Eembotsosto dimwe oto di dimbulukwa noupu, shaashi otadi ende eenduba, oda djala omahema manene inaa homwa e he fi eenomola davo.

Otadi nu omakaya, nodi na eamo lokutukana luhapu. Eembotsosto dimwe kadi na nande eamo la tya ngaha, otadi holoka di lili lela. Shiimba itandi puka ngeenge hai ti eepesenda 75% 3/4 domoshiwana eembotsosto.

Ovanhu vahapu (naaveshe) ova hovela okuvaka okumbotsotsa. Ovakengeli, ovanandunge, ovahongwanhu ovahongi naaveshe tava monika ve li nawa otava mbotsotsa. Kakele nee ohave shi ningi neendunge, ndele nomunhu ito dimbulukwa po sha nokuli. Oumbotsosto ou nda hala okutonga apa, oyou wokulishangela omakonakono. Okushangelwako ile okushangela mukweni ekonakono osho naana ombudi u dule wokweenda oufuku.

Okushangela ko mukweni ekonakono osho ombotsosto noulunga wa kula. Eshi osho okunyona oshipango oshiti 7. Okukengelela nokuhepeka oshiwana. Eshi okumbweenga

oshiwana noku shi dipaa po, okulimbebeleka nokulifufya mwene ou u na odjapo ya landwa. Oto hange omunhu e na odjapo ya pita noitwa iwa yopombada, ndele ke na eshi e shii.

Oto mono omunhu te litadele ondjapo yo 8 ile 10, ashike oye naanaa elai lokofindo yomukwawo.

Oto udu omunhu ta sheke ovo ve he na eedjapo do 8 ile 10, omanga ye nongulu yokushangela ekonakono ke shii oshivelo shayo apa sha ama. Oto mono omunhu e na ouhongelwe wopombada vati, ndele oku na eshiivo li li pedu neenghono.

Omunhu ke na eshi e shii ko koilongwa aishe i li modjapo yaye. Omunhu mokutala okwa wana nokwa yeleka okuhonga ostd 6 ile Std 7. Ndelenee pashili yoovene ota dula ashike okuhonga ostd 1 ile std 2 ngee oku na elao.

Omunhu e li ngaha e na odjapo e i pewa, e i vaka e i yandja, ame onde mu tala a fa okaana kanini taka danauka ehauto leedalate ko taka duma mokanya. Omunhu a tya ngaha ota yelekwa nomadivedive e li mokandobe kopehenene pefimbo loluteni.

Omunhu a tya ngaha okwa yeleka a mone ovakundafani omuhepaululifitate, omolwomapitikilo omasakramendi mayapuki opangeleka. Kendabala u longife, ouluvi woye, eendunge doye, eenghono doye, omake oye neeshiivo loye, mwene. Ovo hamu shangele vakweni omakonakono lidilululeni, kaleni mu shii nokutya onye eembotsosto da kula dokudipaapo nokuhepeka nai nonyanya oshiwana sheni.

Dipaeni munye okahalu keliko nohole yoimaliwa oyo tai mu twala momapuko e fike apa, opo mu kengelele nomumbotsotse po oshiwana sheni nombili. Lalakaneneni ouwa, hokweni ouyuuki, pangelweni koshili.

T.N.N.Naukushu



Shiivifa oinima yoye moMUKWETU, nowa hanga omunhu keshe wa hala!

ESHIIVIFO

Oonakushiivifa kovalessi nokovapwilikini omafyo noonakufya, meeradio nomoifo, kendabaleni mu yandje omauyebele omondjila, unene mokuulika kovatekulu nokovatekulululwa. Ngeenge owa ongele novatekulu ovana vovamwaina vanakufya, ava va shiiva nakufya oo, ohashi piyaaneke omadiladilo avo.

Ovatekulu al'she nava kale ovana vovana vanakufya, voo ovatekulululwa va kale ovana vovana vovana vanakufya.

OMAHALELOYAMBEKO GAKRISMESA

Tse moTyre Centre pOndangwa, otatu mu halele one amuhe mboka twa kala meyakulathano pamwe muule womumvo nguka, Okrismesa ombwanawa nOmu-mvo omupe gwa yambekwa. Eyakulo lyetu olye mu egulukila natango mpaka.

VAVELI WOVANZI, VAZAKULI KWATO

Rupara: Sipara sendi si na hafa nye tasi horora eroroko koyirugana yezuvha nalinye mokatji kovaveli awo siwaro sawo sokupitakana 100. Aso sa kere sidiviso kwaMatrona Priskylla Mbamba, apa ga ka mu tarera po Hamutjanga gosifo saMukwetu mosipangero sendi moRupara.



Sestera Priskylla Mbamba

Sestera Mbamba ogu kwa gusa efiro sinka lyoyirugana nayinye moklinika ezi pevega lyaMatrona Kovanen ogu ga za kepwizumuko koSoomi, kwa tanterere Hamutjanga asi awo wosihakwiro sawo kwa hepa novarugani, unene vasestera.

Sestera Mbamba kwa limburura epuro lyaHamutjanga asi va kere vasestera va vali tupu pevega eli. Age kwa diworokesere hena Hamutjanga asi, nosiruwo sa piti va zigidire ngano momuhoko nkenye oku taku moneka vasestera ava vana hara yirugana mosihakwiro esi, nye kapi na gwana nampili gumwe dogoro naina eli.

Sebulon Ekandjo

Evakulo lOmwene oli li popepi

Ontanda yaakulupe mOthika

Egongalo lyaThika olyi igilila shito oku taamba nenyanyu ontanda yaakulupe omumvo kehe. Nonuumvo olye shi ningi okuza eti 19-21.9.1986 aakulupe ye thike 20 lwaampo oya thindikilwa payakulo lyohole kaasilishimpwiyu yawo poshi-nyangagongalo.

Omusita: Mwe ya po ookuku nootatekulu?

Aakulupe: Twe ya po! Ngoye opo tuu u li?

Omusita: Omu li mpaka nena mu vululukwe kiimpwiyu ayihe. Omuwa okwa ti: "Ileni kungame amuhe mwa vulwa nomwa humbatekwa uudhigu, ongame notandi mu pe evululuko (Mat.11:28). Aakulupe ayehe mh!, osho Amupolo Nandjaya gwetu. Elongelokalunga lyongulohi olya ningwa komusita G.Amupolo a lesa Eps 23.

Ekundo pa Mat 8:23-37 nokwa ti: Jesus oye omunankondo sho a vulikitha efuta, okwe ya tumbulile olweendo lwaakriste okukala muuyuni muka ongotu li mowato tayi teleganithwa kii-kungulu yuuyuni mbuka. Oku ulukile aakulupe kutya omaudhigu taga zi maatekulu nomaashiwikile Jesus okwi ilongekidha okusinda etukuluko lyiikungulu yoludhi kehe.

Omu li mpaka mu talalekwe mu vululukwe omasiku ngaka. Okwa tula omuthindo kutya ope

na iikungulu yi li mevi lyetu moshilongo shetu naampaka. Omuwa Jesus Kristus ote yi ganda, oye omuloteki gwiikungulu. Jesus ota koleke eitaalo mune aakulupe.

Ipopiwa ayihe yesiku lya landula oyi na omuthindo gwokwakola. Omukulupe oku na okuyakulwa nohole pamwe nehungomwenyo. Okwa monika aakulupe oyendji itaa mono omayakulo ga gwana ngaashi yo yene ye shi tegelela. Naa pewe iipalutha ya gwana, inaa sa uutalala, moka haa lala namu talwe nawa sho mu li.

Ontanda oya hulithwa nUulalelo Uuyapuki melongelokalunga Osoondaha, noya mono iipalutha yokolutu. Hugunina oya popi ontanda yetu yaakulupe kutya inayi dhimbiwa 1987.

Peha lyegongalo lipumbu Toivo

Uuthiga paShiwambo

Konyala kehe omwedhi ondi na okulesha oshifo shOmukwetu nohandi pulakene kaakwashigwana shoka taa popi kombinga yuuthiga. Ano yamwe otaa ti omusamane ngele okwa si na thigululwe komukulukadhi noyana, yamwe otaa ti, na thigululwe kaakwawo.

Koshigwana oshiholike, kombinga yuuthiga onda lesa mokambo Lidilika ndele oka popya kombinga yomazimo. Kehe ezimo oli na oshidhila shalyo. Nena noshidhila shoka shi li mezimo lyomu-

samane, otage shi thigulula, nenge mbyoka otaye yi gandja kezimo lyomusamane?

Nena ngele omukulukadhi ngoka a thigulula oshidhila shoka, tashi tanaukile ezimo ndyoka oye na okuninga ngiini? Oye na okushunitha iinima yaantu ndishi? Ngoka wa hala okuwa oshindji ilandela okambo kedhina "Lidilika".

Lot M.Ashipala Swakopmund

EYAMUKULO

Tate Lot M.Ashipala, inaku tiwa omukulukadhi a thigulule niinima yuukwazimo wokooyinakulu yomusamane ho a valwa. Omukulukadhi ota thigulula eliko lyomusamane gwe ndi ya gongela pamwe, ano ye yi kongo ye li yaali, oshoka olya holoka po omoluudhiginini wawo.

Ope na ngaa shili omaliko ngoka ga za kohekulu, nenge ndi tye iinima yomazimo ngoka ge na iidhila ngaashi we shi tumbula, ngono oge shi ngaa okutalwa nawa ano ga shunithwe kezimo lyomusamane. Ihe mbyoka ya gongelwa po manga ye li mondjokana, oyi shi ngaa okuninga yomukulukadhi naanona.

Ndapewa N. Kawayo

EKUNDO LYAKRISMESA LYA ZI MUSOOMI

Ookuume aaholike, Aanamibia amuhe!

Tse Aasoomi yamwe, oyendji nokuli, otwa hala oku mu popitha, aakuluntu, aagundjuka naanona!

Otwa gongela iinima yeni iikulu yopashigwana (pahistoli) mosaala yegongalo lyaLammi.

Moku yi tala, otatu mu dhimbulukwa muudhigu weni notatu mu galikanene. Kalunga ne mu pe oonkondo nombepo ye, mu sinde uudhigu weni nokukondja ekondjo ewanarwa nokumona emanguluko miita nepangelo lyem yene.

Konima yoinima ei, onda mona, ndele tala, onguudu inene ya nyengana okuvalulwa yomoiwana aische noyomomalaka aeshe; vo ova li ofika va taalela olukatwa nOdjona, va djalekwa oikutu itoka to, ndee va li ve kwete oivale yomilunga momake avo. Ndele va ingida nondaka inene tava ti:

"Exupifo olaKalunga ketu noOdjona ou e li omutumba kolukatwapangelo." Ehol.7:9-10.

"Efimano loKalunga mokombadambada, nombili kombada yedu, movanhu e va hokwa" Luk.2:14.

(Inamu tila). "Ombili ohandi i mu fiile, ombili yange ohandi i mu pe. Ihandi mu pe ngaashi oonyuni tau yandje. Omitima deni inandi nyika oluhodi, nye inamu tila." Joh.14:27.

Omahелеloyambeko gaKrismesa!

Peha lyaHilma Ranttila Maja-Liisa Kaljunen



Ompungulo yiilongitho iikulu yoshigwana shaNamibia, megongalo lyaLammi muSoomi.

OONDJILA DHAWO ODHU UKITHWA KUNAMIBIA



Ndokotola Annette Elstermann

IyaKlaus Dieter, naAnnette Elstermann nuunona wetu Maren (8) naMarcus (6), otwa za kuNdowishilanda lyuuninginino moshilando Berlin, otwa hala tu ye tu longe mOnandjokwe ongoondohotola. Sha simana miikwawo osho uukuume wopakriste naaniilonga pamwe natse negongalo. Uunona wetu otawu nyanyukilwa nale okuya kuAfrika, notwi inekela otawu ki imonena mbala ookuume aape.

Yamwe yomune oye tu tseyana nale, oshoka mu-Juli otwa li mOnandjokwe uule womasiku 14, opo twi ilonge aanashilonga mboka tatu ka longa pamwe nayo komeho nokwiilonga oshipangelo.



Ndokotola Klaus-D. Elstermann

Omuwa, ulukila ndje epola lyoye ndi ende moshili yoye. Omwenyo gwandje gu mangeleka mokutula edhina lyoye - Eps.86:11

Noontentekelihapu ndhoka otwa hala tu shune mondjila yetu kuNamibia. Tse, egumbo



Maren Elstermann (8)

Nenyanyu noneinekelo otwa tokola tu ye natango kuNamibia. Moondjila dhetu adhihe otwi ilongo ewiliko lyaKalunga. Unene tuu ompumbwe onene yoondohotola mOnandjokwe nohole yokomutima yopakriste ndjoka twa taambwa nayo, oye tu inyengitha omutima.

Otwa adhika twe shi yelithilwa mbala, kutya Onandjokwe otayi ka kala ehala lyetu, uule

woomvula ndatu twe dhi taalela ngaashi Kalunga e shi tu halela. Meinekelo ndyoka kutya Kalunga okwa tseyana oondjila dhetu nota utha oonkatu dhetu, otatu tegamene nenyanyu ethimbo ndyoka okukala muNamibia.

Amuhe otatu mu halele Okrimesa ya yambekwa newiliko lyaKalunga mOmumvo omupe.

Nomakundo gokomutima ga zi ku:

Annette, Dieter, Maren naMarcus Elstermann



Marcus Elstermann (6)

Omakundo koshigwana

Otii mu kundu unene amuhe Aanamibia osho wo aaleshi yOmukwetu otii mu halele omayambeko gaTate Kalunga. Kalunga ne tu peni oonkondo mwaayihe tatu yi longeni medhina lye. Natu galikane twa mana mo pamwe Naamibia tali manguluka omolwoonkondo dhaKalunga ketu.

Ngame ote gandja epandulo enene koongeleki ndhoka tadhi galikanene wo Namibia li mone ombili. Ngashingeyi otu lyeni methimbo edhigu, ombinzi tayi tika noonkondo. Ngaashingeyi otu ukeni miituthi mbika wo iyali Okrimesa nomumvo omupe, natu yi dhaneni pankondo dhaKalunga nopahalo lye.

Twaaw inwini iikunwa nosho wo iinima mbika tayi teya po oshigwana shetu oshiholike, oshoka iikunwa oyo omutondi omunene. Oshigwana hashi endagula momilema tashi tonatele uuyelete owindji.....

Pinehas T.N.T. Gwandjolo
Grootfontein

ESO

Tate Kleopas K. Simon megongalo Uukwiyuushona mOndonga, okwa mana oondjenda dhe 12.6.1986 muwehame wethimbo efupi, mepi pi lyoomvula 63. Okwa thigi ko omukulukadhi gwe noyana yaheyali.

Fillip. 1:21. Eimbilo 410

Peha Iyaavalwa
Simon Nangolo

Omasiku 23.10.1986, Kalunga okwa zimbula omugundjuka gwe Johanna Mbute yaSimon momukunda Ombaadhiya mUukwaluudhi, okwa thigi ko he nayana.

Joh.16:20

Nkandi M. Teofelus
Ombaadhiya

Hekelekweni

Ohandi yandje ehekeleko lange kutate Immanuel Shilunga nameme Tellesa Nd.Mafuta eshi omwene a wanifa ehala laye moku va talelapo eshi e va kufa okamonamati kavu Asser Shilunga omafiku 18.9.1986.

Omwene na fetepo omahodi eni. Lididimikeni meefina, diinineni meilikano. Hekelekweni ano Ova-shinime novAkwashilunga amushe. Omuudifi 3:1-15. Eimbilo mehanganu 269.

Petrus Shimullenda
Tsumeb

Saima Ndeshipewa Nekwaya, onghelo yatate nameme Simeon Ndifikepo, momukunda Ohadiwa meongalo Ongenga, okwa xulifa

oweenda waye ombaadilila 17.5.1986.
Okwa li womido 23.

Shilvanus Ndapewa Ndifikepo
Oranyemund

Kuku Helvi Kambonde lita okwa mana oondjenda dhe 18.10.1986 momukunda Osholuyu Eheke, Ondonga. Oomvula dhe 86. Okwa thigi ko oyana 4, aatekulu 22, aatekululwa 10.

Eps.23. Eimbilo 630
Monika Magano Mwula

Tatekulu Ignatius Shikongo mOmbwana, mUukwambi, egongalo Oshikuku, okwa mana oondjenda dhe 22.10.1986 moshipangelo mOshikuku, muwehame wethimbo ele. Okwa thigi ko omukulukadhi gwe noyana yaheyali.

Kundweni neimbilo 410.

Nyanyukweni I. Shilimela

Aailongi ya tetekele otaa edhililepo aalanduli yawo omiyelo dhekwatho lyopaimaliwa

Omwaalu gwiimaliwa yi vule R18 000 inayi galukila mo we moshiketha shaailongi mOngeleki ya ELCIN. Naa-shono osha ningitha oshiketha shono shi vule okuhumbata ashike aailongi gumwe nenge yaali pethimbo ndika.

Ehokololo lyenkundipalo lyoshiketha olya anduka mombelewa yomalongekidho gomaindilo gaanasikola mboka ya hala ya ka tsikile neilongo lyawo konima sho ya mana Ositanda 10.

Omwaalu gwiimaliwa yi vule R18 000 ogu li ongunga natango kaailongi ye vule 20 ya taambele ekwatho moshiketha shoka. Nongunga ndjoka ya tameka komimvo 1963 notayi leshwa pedhina lyakehe gumwe okuza R30-00 sigo R3000-00 paindilo lyomuntu mwene.

Konyala ayehe oye li ngashingeyi miilonga noye na ooposa dha simana. "Aailongi 6 ayeke taa vulu okuhumbatwa ngashingeyi koshiketha shoka pethimbo limwe nenge omwiilongi gumwe awike ta vulu okutaambwa komumvo, peha lyaaailongi ye vule 80 yomaindilo haga thi-



OMUSAMANE FESTUS EKANDJO, METHANO NDIKA, OTA HALELE AALESHE AYEHE YOMUKWETU OMAHALELOYAMBEKO GA KRISMA NOMUMVO OMUPE.

ki ngashingeyi mombelewa ndjika omumvo kehe," osho amushanga gwOoprojeka mOngeleki omusita Set Son Shivute a hokololela Omukwetu.

Iimaliwa oya zile kOngongahangano yAakwaluther muuyuni (LWF) omwaalu gwontumba opo gu dhikithwe oshiketha shokuhehelwa kaailongi mOngeleki ndjika. Ongeleki ohayi gandja omumvo kehe koshiketha shoka R15 000.

Pamwe niimaliwa mbyoka yi na andola okugalulwa komwiilongi konima yeilongo lye, nena opwa li pwa tegamenwa oshiketha shoka muule wethimbo shi ka yakule aanasikola oyendji.

Patho ndyoka li li po, omwiilongi oye mwene ti indile omwaalu ngoka a pumbwa. Nongele a mana eilongo lye, Ongeleki otayi mu indile ashike a galule etata lyomwaalu ngoka a kuthile, netata ekwawo ote li pewa omagano.

"Otwa dhimbulukitha olwindji aantu yetu mboka euvaneke lyawo konima sho ya mana eilongo lyawo, ihe kape na ngoka te tu yamukula," amushanga Shivute osho e shi tumbula pOmukwetu neuvitohenda enene.

Omukalo nguka gwokwaatsakanitha euvathano Amushanga miilonga mbika yuunasikola Shivute, okwa tala kutya otagu edhilitha po omiyelo kaailongi yomathele ogendji ya li ye na okuyakulwa koshiketha shika nokiimaliwa R18 000 yi li natango moondjato dhaatetekeli yawo.

Sebulon Ekandjo

Eemwashe meitavelo

Omukriste ina kala ashike oye aeke meitavelo, ndele na mwenyeye yo eemwenyo odo da ninga eemwashe. Ye a shile mo nokuyambidide ava va ninga eemwashe nova yapuka mo mondjila oyo tai twala komwenyo waalushe. Omukriste mwenyeka ove u yambidide omunghundi meitavelo.

Ndjambula po ovo va telwa oboma kusatana eshi e va ninga eemwashe eitavelo lavo e li teya omaulu nomaoko. Tava enyaenya vo itava dulu okuyambuka po osheshi ova mwashekwa. Ninga etokolo eyuki lo nali kunguluke ohole tai kunguluka ya fa ngaashi omeva taa kunguluka ohole itai xulupo vali nokweetela ovashima eshiivo. Nomunyasha okushiva nokunongela omanyono oludi keshu.

Shi ninga nohole yopaumwainafana ngaashi Kristus mwene wohole. Ino shi ninga paumwainafana wopalutu, ndele opaumwainafana wopamhepo, u shi ninge yo paukaume wonhumba nowongadi. Tunga eongalo laKristus nehongo laye longhenda nolohole yashili.

Eneas V.Haifidi

Uuthemba womuntu

Dha za kep. 1

mompangu pwaa na eyongaongo.

Oonkambadhala ndhika odha kala dhomuntu gumwe nagumwe nenge dhongundu yaantu, ehanganu. Omunandunge gumwe muFulanisa a tseyika nanwa, Rousseau okwa tseyikila mekwatathano netumbulo lye ndika:

"Omuntu okwa valwa a manguluka, ihe ethimbo kehe oti iyadha e li moomango."

Omukwawo Omwiingilisa, Locke, okwa tile: "Aantu ayehe oya manguluka okuza keshito noye na uuthemba u thike pamwe. Kape na ngoka ta vulu oku ya kutha uuthemba pankondo dhuupolotika, ngele kape na eziminino lyooyene yalyo."

Elongo lyaLocke olya tonatitha oshigwana shaFulanisa pomimvo 1688 na 89 noshe ekelehi ethiminiko nosha etitha wo emanguluko lyaAmerika okuza miikaha yOmwiingilisa 1776. Shika otashi adhikwa wo mekotampango lyaAmerika lyomumvo 1787.

Methelemumvo eti 20, ano muka tu li mo, ngashingeyi, ethimbo lyaafadhukipo yuupolotika. Iita iitiyali yuuyuni (1939-1945), oye eta omalunduluko omanene. Oomiliyona dhaantu odha kanitha omagumbo nomaliko gawo agehe noya yi ontuku miilongo yilwe.

Pethimbo ndyoka lyIita iitiyali, iikondjitho iidhigu oya longithwa okukomba po aantu mboka akeenondjo. Shoka otashi ulike nkene amuntu ta vulu okuya muudhukudhuku nokuningila omuntu omukwawo iihuna.

Moshigongi shokomumvo shIligwanahangano (UNO) oshitine muParis shaFulanisa 1948, uuthemba womuntu owa fatululwa natango muule. Ekotampango lyuuthemba womuntu mehanganu ndyoka olya taambwa pwaa na ekondjitho lyasha meti 10.12.1948.

Shika osha li oshikoleki shomukanka gwemanguluko, guuyuuki nogwombili kombanda yevi. Oshitokolitho 30, otashi leshwa ngeyi:

"Omuntu kehe oku na uuthemba wopapolotika, wopalikolo, womonkalathano nayalwe, itaaku talwa oludhi lwe, olwaala lwe nosho tuu."

(Guide to Human Rights both UNO Publication & Depot. of Information)



Edhina lyoshilongo nali kale Namibia, otashi leshwa methaneko lyekotampango

Oraata yokutunga ekotampango lyoshilongo shika mepangelo lyopakathimbo oya mana ngaashingeyi iilonga yayo. Oraata oya kala mewiliko lyomunaveta Justice Victor Hiemstra.

Edhina Namibia, olya thanekwa li ninge edhina lyoshilongo. Omathaneko omakwawo wo otaga leshwa mekotampango ndyoka, gamwe gomugo ngaashi taga landula mpaka:

Ekotampango lyoshilongo tashi ipangele noshopaudemokooli, ihe shoka tashi lelwa paveta. Mbili yasho neyo komeho lyasho otaku tiwa otayi zi mokusimaneka nomokutaamba ko uuthemba womuntu kehe, sha kwatelela mo omithigululwakalo, elaka, nelongeloitaalo moshigwana ashihe.

Kombinga yomulandu gwelongitho lyeliko pakotampango ndika, kehe gumwe oku na okukala noshe naampoka sha pumbiwa opamukalo gwomahangano, osho wo okulanditha kwakehe gumwe ngoka ta vulu.

Oshilongo shoka sha pewa kekotampango ndika edhina shi kale Namibia, elaka lyasho lyopambeleva otali kala oshiingilisa, nOshimbulu. Ohofa omo wo tayi kala ndjoka tayi kala hayi gandja oonkondo kiilonga yepangelo. Moshihako shepangelo otamu leshwa 'Namibia na Semper pro Liberate!

Mekotampango otamu adhikwa wo oveta yuuthemba womuntu ya guma uuthemba womuntu pamithigululwakalo, pakulonga muukwiita nokuhinda uuthemba womuntu.

Kehe ngoka te etitha po elongitho lyoonkondo nenge ta longitha nayi emanguluko lyokuholola omadhiladhilo, unene pakunyola emanguluko lyelongo, emanguluko lyokugongala miigongi, momahangano, nomoopoosa dhopaumwene nenge moongodhi opo a kondjithe elandulathano lyopaudemokooli, ekotampango ndyoka olya ti ota talika omuyonaguli gwoveta ndjoka yuuthemba womuntu.

Aantu mboka ya yematekwa, otaa vulu okwiindila kohofa opo yi thiminikile muuthemba ngaashi tau pulwa kekotampango, ethaneko lya ti.

Ethaneko olya tsikile tali ti, omupresidende oye ta kala omutse gwoshilongo nota longitha oonkondo dhe, ashike uuna a pewa omayele kOraata yewiliko (Executive council)

Omupresidende ota kala e na oonkondo oku zimbula omutumba gwoshigongi shopashigwana nenge omutumba gwosenaata. Oye ta yi momahangano gopaigwana nenge ta shaina omauvathano, ta tseyitha oveta yokangendjo nenge te yi dhimi po, ta shaina iita nenge ombili.

Okwa tiwa omupresidende gwotango gwoshilongo ota hogololwa kongundu yaahogololi yomoshigongi shopashigwana, nokosenaata mewiliko lyomupanguli omukuluntu. Ota kala mombelewa oomvula hamano, ekotampango lya ti.

Ethaneko olya tsikile lya ti oonkondo dhoveta odhi li moshigongi shopalamende ndjoka ya thikama momupresidende mosenaata (ongunduleli yopombanda mepangelo) nomoshigongi shopashigwana.

Mepangelo lya tya ngeyi, pakotampango ndyoka, ongundu yopapolitika, otayi vulu okudhikwa, ihe opaati ndjono, pamatompele gomalalakano gayo nenge omaihumbato gaalanduli yayo ngele tayi kongo okuyonagula nenge okuhulitha po emanguluko lyomukanka gwelandulathano ndika lyopaudemokooli, nenge otayi etele Olepublika yaNamibia oshiponga, otayi vulu yi kuthwe oonkondo kOhofa yopombanda, paindilo lyaangoka e lile po omayeme gaamboka taa kondjitha epangelo. (Ombudsman), notayi keelwa ngaaka okuya momahogololo.

Ethaneko lyekotampango otali indile oopaati adhihe dhi holole puuyeleele omalunza giiniwe yadho naandhoka hadhi pewa sha tashi zi pondje yoshilongo, ekotampango otali leshwa kutya otadhi talwa dhaa li paveta notadhi keelwa okuya momahogololo.

Ongundu yOsenaata otayi thikama miilyo 28 notayi kala moshilonga shoka oomvula 8. Momahogololo, mokati kOsenaata uuwindji womawj owo tau landulwa, ethaneko lya ti.

Oshigongi shopashigwana otashi thikama maantu 60 pathaneko ndyoka, otashi hogololwa pakotampango. Oshilongo otashi topolwa miitopolwa ihetatu yehogololo nomwaalu aguhe gwaahogololi otagu topolwa nane (4). Ethimbo lyoshigongi shopashigwana miilonga yasho, oomvula ntano nomomahogololo uuwindji womawj owo tau landulwa, ethaneko lya ti.

Okwa tiwa wo omutumba gwopalemende oyu na oonkondo mugwo gwene nongundumpitithi, otayi pewa oonkondo kOraata ompitithi, ndjoka ya thikama moministeli yotango, ndjoka tayi hogololwa koshigongi shopashigwana. Oministeli oonkwawo otadhi vulu oku ulikwa tadhi kuthwa ngele mOraata ompitithi nenge moshigongi shopashigwana.

Epangelo lyomiitopolwa otali endithwa kOraata yaMuni nokoraata yoshikandjo (District), Ohofa otayi kala yi ithikamena notayi itula ashike koho yoveta nomupanguli omukuluntu oye ta wilike omutumba gwohofa, nenge otu utha omupanguli gulwe oku shi ninga. Ethaneko otali ti, shono sha tokolwa mohofa osho tashi landulwa.

Aanashilonga mepangelo ndyoka, ekotampango otali ti oye na okumonika yi ithikamena noinaa gama nando ombinga yopaati yontumba.

Kombinga yomapangelo gomavigumbo, ekotampango otali ti otaga ka pewa oonkondo kepangelo lyoshilongo ashihe shaNamibia. Osho wo kombinga yoonkondo dhomatanga gaawiita otadhi kala dhi li moministeli yegameno lyoshilongo.

Ashike uuna pe na onkalo yoshiponga moshilongo, nomatanga ge na okukomendwa, oonkondo ndhoka otadhi gandjwa koministeli yotango.

Ooveta adhihe dha kala miilonga manga ekotampango ndika inaali holoka po, otadhi tsikile ngaaka sigo uuna ndoka tadhi kuthwa po kopalamende nenge tadhi lundululwa, osho efaneko ndyoka lya holola.

Ekwatelokumwe lyethaneko lyekotampango olya holoka noiya kuthwa moshifonkundana 'The Namibian 7.11.1986'

ETSEYITHO LYOWINA

Aayakulwa yetu naaleshi amuhe mwa simana omumvo nguka sho tagu ka dhilogela ngeyi, otatu mu tseyithile ngaashi tashi landula:

1) Okuza 8 Desemba iilonga yenyanyangidho otayi kala ya pata molwefudho lyaanashilonga.

Otayi ka egulula ishewe meti 12 Januari 1987, Kalunga ngele te gu tu pe.

2) Eyakulo lyostolamambo nosho lyombeleva yokwiinyolitha Omukwetu molwo - 1987 opo tali kala, kakele komasiku gopokati kOkrisimesa nOmumvo Omupe sho tapa ka edhilwa wo.

Tse aayakuli yeni mehala ndino otatu pandula eyakulathano ewanawa twe li mono mune nomomumvo nguka, onkene ehalelo lyetu olyo shi tsikile ngaaka, nokomeho tu kuthilii po wo!

Otatu mu halele omayambeko gOkrisimesa nOmumvo Omupe gwelago.

Twe mu kundile po.

**M.Amkongo
Peha lyooyakwawo**



leni eshi mwe tu xunga omwenyo moudjuu wetu.

Kalunga ne mu wedele eitavelo ye ne mu yambeke moku ka yakula yo vakwetu momaudjuu avo.

Ponhele yovakwanedimo
Walther Shilongo

Otatu pulwa eitedhululo

Omukwetu No. 18 gwaSeptemba omwa li epulo lya zi kAanamibia muupongekwa moshitopolwa shaNyango lye etitha oluhodhi tali ti, Kalunga mbela oku tu hole tuu ngaashi e hole Aatiligane?

Epulo ndino mokulikwatakanitha kumwe nohapu ya Tate Kalunga mOkatikisa; Ongame tandi galulile oyana omayonagulo goohe sigo oluvalo lwawo olutitatu nolutine lwaamboka taa tondo ndje.....

Ano shono nda tala onkalo yoshilongo shetu, osha etitha ndje uumbanda nomalimbililo, kutya oshigwana shetu pamwe osha tuku Kalunga noku mu dhina. Ihe nando ongawo otatu longwa wo kutya Kalunga omunalukeno nomutalanteni, Ngele tatu kala nokumu galikana no ku mu indila, ote tu kwatha ngaashi a ningile Aisraeli pethimbo lyuupika muEgipiti.

Ileka A.Mekondjo
Klein Aub

ONAKUYIWA YOSHILO-NGO SHETU OTAYI KA KALA NGIINI KOMEHO?

Epulo ndika konyala ngashingeyi oli li epulo kukehe omumukwashigwana shetu. Unene tuu aakuluntu mboka ye na sha neputudho lyaanona, otaya ipula epulo ndika: Onkalo yongashingeyi otayi etele omuntu omaipulo ogendji, sigo konyala ito mono naanaa omayamukulo taga vululukitha omutima.

Kombinga nee yaanona momagumbo itaya vulika we. Omagumbo otaga thigwa po, Aakuluntu otaa mono iihuna. Aantu oya kalela omalukanda, ngoka itaga kwatha sha noitaga eta sha shi na sha nonakuyiwa yoshigwana shika.

Kombinga yimwe otashi vulika eputudho mpeya naampeya lya nkundipala kashona. Aakuluntu yamwe otaa gandja iiholekwa iwinayi kaanona yawo. Omukulu gwonale okwa tile: "Sha mena osha za ketindi". Sho shoka to kunu osho ngaa to ka yeta.

Aagundjuka oyendji otaa yonwa po kiikunwa. mbyoka yi li omutondi omunene gwoshigwana. Mooradio omatseyitho ogendji haga ningwa mo ogiikunwa. Opu na omaloli omanene ga shangwa: mOwambo ohamu nuwa. Omukalo nguka ogwa pukitha oyendji.

Aantu sho ya nwethwa mo ngeyi, kandi shi wo kutya epipi ndi li li po ekuluntu ngele lya hulu po, walyewo ngaa ngele epipi lyokomeho otali ka vula sha, ngele osho tali tsikile ngaaka.

Otandi nyengwa okutengenekela onakuyiwa monkalo yi li nawa, ngele epipi ndino itali lundulula.

Ku D.Angulah
Na E.T.Haipinge
Oshigambo High School

Nyee otamu ti ngahelipi?

Otwa fa twa limbililwa konghalo noveta ei ya holoka po neudo mOwambo. Oveta ei otai tongo kombinga yomiti, oixwa di ha kewe noya kwatelela mo naadi di li mepya lamwene. Nongeenge omunhu a hala okuka, tete ota ka indila kumwene womukunda, opo a pewe epitikilo lokuka.

Shoovene eshi tamu tale, oshi li ngaa mondjila? Heeno oshi li mondjila ngeenge oveta tai file omiti dayo oshisho, ndele hamepya lomunhu. Domepya ohadi filwa oshisho kumwene wepya, shapo okuninga epya ine li landa ko. Ngele ngeenge omunhu a landa epya laye, okwa landa naashishe shi li mepya omo, nongeenge omu na oivanda noitunhu, nena otashi ulike kutya oyaye mwene.

Nongeenge osho tashi kala ngaho, omiti domepya tadi indilwa koovene voikandjo, nena nashi kale kutya naau una omalambo e li mepya ngeenge wa hala a fufilwa po, inda u ka indile, ile wa hala u kufe elova edu lokukolonga poshini to li kufa poshivanda shi li mepya loye, inda kelenga. Nge wa mona eyoka meumbo ile mepya, nalo ka konge epitikilo loku li dipaa.

Ope na elaka hali ti, vati omiti dimwe odonalenale da fiwa po kootatekulululwa, ndele odo da lambalalwa komakwava. Heeno oshi li mondjila. Ootatekulululwa ova kokolele omapya, nde tava dike mo omaumbo avo, nde eshi va fya ootatekulu ova ya moipundi yooxe nova futifwa eumbo nepya la kokolwa po kovakulunhu vavo. Noshi li ko fiyo onena. Ohatu futifwa omapya a futilwa nale kovakulunhu vetu.

Ofimbo ihava valula ofuto yovakulunhu vetu, itava dulu okutala kutya omiti odonale noda fiwa po kovakulunhu. Ombili kunye ovanashipundi novakomesho vetu amushu. Fyee vene oshiwana sheni ohatu kala tu na oumbada oku mu nyamukula, ile okupopya sha shaashi luhapu ngeenge omukwashiwana wokeenyala ta popi, oha taliika omesho matilyana noha etelwa omakodololo. Onghe ohatu liyandje ashike mwaasho, nande katu shi udite ko.

Shoovene ngeno ndi tonge oshili, ovakomesho vetu Ovawambo vahapu kave nako nasha noshiwana shavo, nande ve shi wete. Onghe oshiwana sha tokoka omifipa pombuda komitenge didjuu komapepe Omulaule. Ndele ohava kondjifa ashike nokufipa mo okahonde aka ke li momukwashiwana nokuningila peendjato davo.

Natango oshiwana ovakomesho naaveshe hava fiki momutumba woveta, va shune momutumba va tale nawa pokati kofuto nepya osho yo pokati koshinima shomunhu mwene noshoveta.

Lineekela Mulyatakanii
Tutunumako.

Ekumagidho koshigwana oshiholike

Ondi shi kutya kehe gumwe gwomoshigwana shetu okwa yuulukwa emanguluko, unene ndika lyopalutu. Ondi wete oshili mondjila. Ihe tse yene otwi imanga tse yene. Natu tuleni uukuni kumwe. Natu galikaneni pwamwe, opo Kalunga ota taalele kutse note tu sile ohenda. Ye e tu pe emanguluko lyashili, pethimbo ewanawa.

D.A.Angulah
Ondangwa

Ounona tava tala nge koshipala otava pula nge vati edina lOmupresidente waNamibia. Paife onda lelwa nee kepulo lovamwange. Vanamibia vakwetu, vatelei nge mu nyamukule ko kepulo lovamwange..... Julia Kandjala.

Ova shangela nge tava ti

EWI LA WAPALA

Oinima oyo tai ningwa paife mefimbo letu, oshili otai piyaaneke omadiladilo omunhu. To piyaana nde fiyo ito shiiva vali kutya ondjila ei ya yuka noiwa oilipipo.

Ngaashi omadipao, omanyonauno omaukolokoshi, oukolwe, okakombolilifa nombwada, odino Kalunga naikwao ya fa ei, otai piyaaneke omadiladilo omunhu.

Pwilikina

Ombibeli oye tu ulikila nawa lela atusheni ondjila ei yolela oyo Jesus Kristus. Ope na eendjila dihapu, nde nani kadi shi dolela. Omunhu oto lipula: Ondjila ei yolela handi i pumbwa okuhoolola oyo ndi landule oilipipo mbela?

Kufa Ombibeli yoye oyo u ninga omupukululi woye. Muyo oto hongwa okushiiva ondjila yoshili, ondjila oyo tai twala komwenyo. Jesus okwe mu nyamukula nde ta ti: Aame ondjila noshili nomwenyo. Kape na ou ta i kuTate ngeenge hamuame ta pitile Joh.14:6.

Okwa ti yo: Ame onda pewa eenghono meulu nokombada yedu Mat.28. Ndele kaku na omukwao exupifo la kala muye, osheshi kaku na edina limwe li li koshi yeulu la yandjelwa ovanhu omo tu xupifilwe mo Iil.4:12.

Nelaka keshe oli na okuhopaulula Jesus Kristus, kutya oye Omwene Fil.2:9-11.

Jason Sh. Mukongo
Valvis Bay

Epandulo

Oshe tu nyenga okumwena fye ovakwaShilongo, otwa hala okupandula ongeleka onghwaLuther muELCIN, ookaume mOlange, mOushimba, nomOwambo. Otwa pandula ehekeleko neitulemo

MOZAMBIKWE NAZIMBABWE OTAA TI, HASHILI

Omutoto gwa anduka mu SA otagu ti Mozambikwe mewiliko Iyanakusa Samora Machel, yo naZimbabwe oya li ya ninga ompangela opo ya umbe ko koshipundi omushiinda gwawo omupresidente Hastings Kamuzu Banda gwaMalawi.

Onkundana mu SA oya hololwa kaaniifo konima yomasiku 18 omupresidente Machel sho a si, nohaku tiwa uuyelete owa zi moodokumende ndhoka dha ziwa nadho kaapolosi ya SA pegwo lyondhila ndjoka ya Iya Machel.

Ya nyolwa aniwa mOshiputu, odokumende otayi ulike aniwa ompangela yokugwitha ko epangelo IyaBanda koshipundi ya za moshigongi sheti 16.10.1986 muMaputo, ombala ya Mozambikwe.

Cuba naRusia oyo aniwa ye li konima yompangela ndjoka. Noinaapu gandjwa uuyelete kootokolwa kutya aakalelipo yaMozambikwe mokagongi hoka oya li oolye, ehokololo Iya gandjwa olya ti owala omupresidente Machel oye a li omuwiliki gwako osho wo oministeli yotango omusamane Mario Machungo naye omo a li mokagongi.

Ehokololo olya ti kuZimbabwe okwa zile aantu 9 omolwokagongi hoka, mewiliko Iyoministeli yoshikondo shaapolosi yoshilongo, omusamane Emmerson Munangangwa.

Yakwawo yomosheendo otaku ti oya li omusamane E.R.Kandungure, oministeli yegameno lyoshilongo; okomanda yomatanga gomombepo J.Tungamiraija; Majolandjayi Maseko; Leitina-nda Kolonela Shumba gwomatanga gopashigwana nayalwe.

Omukalelipo gwaZimbabwe kuMozambikwe, omusamane H.E.Mvundura naye omo wo a li, ashike nguka ehokololo olya ti aniwa mokagongi okwa lalekwa mo manga oonkundathana dhompangela inaadhi tamekwa.

Odokumende ndjoka taku tiwa oya kwata ompandja 50, otayi ulike aniwa omatanga gaMozambikwe nogaZimbabwe ge na okuyunga oontanda dhago moshitopolwa shaZambesia popepi naMalawi.

Ongamba pokati kaMalawi naMozambikwe tayi pata manga, oontopa nomakwatathano gaampoka taga tewa po, osho oondjila pokati kaMalawi naZambia naMalawi naTanzania tadhi thitikwa netanga Iyegameno IyaMalawi nolyaapolosi tagi ikundakanekwa, ehokololo Iya ti.

Mozambikwe mewiliko Iyomupresidente Joaquim Roberto Chissano naZimbabwe ayehe oyi ikala omupopyo gwoshiponokela sha dhiladhilwa Malawi.

Omupopyo gwepangelo IyaMalawi tali umbwa koshipundi, onkambadhala ashike yepangelo

Iya SA okuhenuka uuyuni u tongolole oshiponga sheso Iyomupresidente Machel, osho epangelo IyaMozambikwe Iya yamukula konkundana ndjoka.

Oministeli yomayelithilo yaMozambikwe omusamane Teodato Huguana, okwa popya poshigongi shaaniifo muMaputo ta ti:

Yo otaa londodha uuyuni kutya sho pwa ningwa ngeyi sha oshidhigu, SA ota ningi ashihe shoka ta wulu okukelela omukalo aguhe omwaanawa okunakona eso Iyomupresidente Machel.

Omupopyo gwa fa omukwawo nguka osho gwa uvika wo gwa zi mOradio yaZimbabwe, kutya SA ota siikile ashike eso Iyomupresidente Machel ngoka a dhipaga.

Epangelo Iya SA olya holola euvonayi Iyalyo kompangela yokuteya po epangelo IyaMalawi. "Opulanda ombwinayi noyoshiponga," osho oministeli yiikwapondje omusamane Pik Botha ya holola euvito Iyayo moshinima shoka.

Omusamane Botha ina holola onkatu yini po epangelo Iye tali kutha moshinima shoka, ihe okuulika puuyelete epangelo IyaMalawi kutya itali hindwa manga SA a tala ko owala. Malawi oye awike oshilongo shomuAfrika sha dhika na SA omakwatathano gopapangelo, nomukalelipo gwasho e na ombelewa mu SA.

MuSeptemba 11, 1986 omupresidente Banda gwaMalawi, okwa tulilwe moshigongi komupresidente Machel nokoministeli yaZimbabwe Mugabe moka a londodha kutya oongamba dhoshilongo she niishiindalongo ya tumbulwa otadhi ka patwa, shimpa tuu ta tsikile nokuyambidhidha omatanga gaRenamo.

Oshigongi osha ningilwe muBlantyre, oshilando shaMalawi. Ekumagidho olya li Iya landula omakwawo ga ningwa metetekelo. Omusamane Banda okwa li wo a kumagidhwa kaa Iye oompanda mbali mopolotika.

Ngele ota gama kaAaluudhe ooyakwawo nenge ota gama ku SA nokuyambidhidha etanga IyaRenamo, osho sha Ieshwa miifonkundana yopetameko IyaNovomba.

Sebulon Ekandjo

EHALELOYAMBEKO MOMAKONAKONO

Ehalelo yambeko Iyomakonakono kaailongi ayehe Aanamibia. Aailongi ooyakwetu otandi mu halele amuhe omayambeko opo mu pite ekonakono Iyomvula ndjika 1986.

Ilongeni mwa mana mo opo mu ka nyanyukwe pehulilo Iyomumvo. Tango galikana manga inoo tameka okulesha oshilongwa shoye.

Omwiilongi omukweni ite mu dhimbwa oku mu galikanena.

*Simon Festus Shigwedha
Etalaleko Secondary School
Ongandjera*

++++
**Elias Nd.Nengola Onheleliwa,
ota kundifa ovaleshi neimbilo
637.**



Etanga Iyomithigululwakalo dhopashigwana, Ndilimani, mehangano IyaSWAPO, omwedhi nguka olya talele po Amerika. Shika otaku ti, osho oshikando shotango ketanga Ndilimani, ndyoka Iya gwitha omagala komitise nuunyakwa walyo wokudhana nokwiimba muEuropa nomuAfrika, sho tali talele po Amerika.

Iya thikama maagundjuka 21, etanga olye ende pomahala; New York, Chicago, San Francisco Bay naWashington, DC oshilandopangelo.

Omayele gamwe mo- kuwenda iimuna



Omusamane Jolonimu Paulus

Kaaniimuna moshitopolwa shetu shOwambo, ngele iimuna yoye oya adhikwa kuuvu, otandi ku indile nesimaneko, kala wa monathana mbala noshikondo shiimuna pOndangwa nenge u dhengele konomola yongodhi 130, Ondangwa, opo ku konakonwe tango uuvu mboka owa tya ngiini manga oshimuna inaashi wendwa.

Mboka hamu ilandele omiti, manga inoo dhi longitha, monathana tango nomundohotola gwiimuna. Aantu oyendji oya dhipaga iimuna yawo yene, sho ye yi wende, yo inaa mona epukululo.

Omiti hadhi landwa ongaashi Terrmycin; Ultramycin na Swamycin. Omiti ndhino oshiponga kiimuna, ngele we dhi longitha inoo



Oluhapu twa fikamena oilambo yomidimba daavo va file melipumomumwe loihauto omutwe nomutwe. Omunhu oho nyengwa okuhekeleka moluhodi eli, ngeenge osha li eufu laKalunga ile epuko lovanhu

OMULUMENTU TA PUMBIWA MOSHINYA- NYANGIDHO

Oshinyanyangidho otashi pumbwa omulumentu e na omaukwatya taga landula:

- E shi Elaka lyoomeme nohe li nyola nawa, na kale wo hu uvu ko o-malaka galwe, unene Oshiingilisa.*
- E na ombapila yokuhinga.*
- E na ohokwe yokulesha omambo niinyolwa yilwe.*
- E na ehalo lyokwiihumitha komeho miilonga ye.*
- I ilongekidha okutameka iilonga petameko lyomumvo 1987.*
- A pita ositanda 10.*

Ngoka a tala ota vulu noku na ehalo, na tume eindilo lye kOmuwiliki gwOshinyanyangidho, Oshako 2013, Ondangwa 9000.

Otashi vulika wo a dhenge ongodhi konomola Ondangwa 11 a kunda-thane nOmuwiliki gwOshinyanyangidho nenge a holoke ye mwene.

Etelela wo oonzapo noombapila dhoye dhomaukwatya.

pukululwa. Oshikondo shiimuna pOndangwa ohashi konakona omikithi ndhika:

Epunga, oshiweno, onyango, oshinambunda, ombulwa, oonkwengu nuuvu wekondo.

Omukonakoni gwiimuna omukuluntu

*Jolonimo Paulus
P.O. Box 245
Ondangwa*

Owa tseya tuu edhina lyoye?

Leonard = Omulaadhi a fa onime
Leopold = uulaadhi waantu
Martin = okuhole iita
Oswald = Oonkondo dhaKalunga
Regina = omuleli omunakondo
Rudolf = ependa
Teofilus = E hole Kalunga
Viktor = Omupangeli
Wilhelm = Omugameni
Stella = onyothi
Viktoria = esindano
Sofia = uunongo
Herodia = a za momusindani
Aina = aluhe
Fiina = ohi indjipala
Eufemia = oku na edhina ewanawa
Kristina = omukriste
Ebba = a za mezimo lyomukwaniilwa
Elli = Kalunga okwa gana
Rauha = ombili
Hilja = mwena
Taimi = oshitayi

OMUKWETU

Oye oshifo shOngeleki Onkwaevangeli paLuther yo-muSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R5,00 komumvo.

Palwe muAfrica R8,00 nokombanda yomafuta R11,00 komumvo. Mondhila R13,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, TEL. 11, ONDANGWA 9000
SWA/NAMIBIA